

文山集



宋丞相文山先生全集卷之十

詩

次鹿鳴宴詩

時提舉知郡李愛梅
廸舉送弟壁同薦

禮樂皇皇使者行光華分似及鄉英貞元虎榜雖聯捷司
隸龍門幸綴名二宋高科猶易事兩蘇清節乃直榮囊書
自負應如此肯遜當年禰正平

集英殿賜進士及第恭謝詩

於皇天子自乘龍三十三年此道中悠遠直參天地化昇
平奚羨帝王功但堅聖志持常久須使生民見泰通第一
臚傳新渥重報恩惟有厲清忠



御賜瓊林宴恭和詩

壬戌以秘書省官與宴

奉詔新彈入仕冠重來軒陛望天顏雲呈五色符旗蓋露
立千官雜珮環燕席巧臨牛女節鸞章光映璧奎間獻詩
陳雅愚臣事况見賡歌氣象還

明堂慶成恭進詩

於皇藝祖德乘乾聖主宣光奕葉前運再庚申皇建極祀
同癸亥數叅天中嚴外辨三千禮累洽重熙四十年願贊
帝心長對越至忱功用貫垓埏

敬和道山堂慶瞻御書韻

墨灑天奎映籀紅斯堂殿閣與俱隆方壺圓嶠神仙宅温

洛榮河造化工列聖文章千載重諸孫聲氣一時同著庭

更有邦人筆稽首承休學二忠

著作之庭乃胡忠簡公書周文忠公立

次韻劉左司前以著作郎主祕書省營繕事時落

成適潘祕丞得郡攜李并錢行有詩

蓬壺日月四時春金碧新來絢帝宸俎豆幸陪麟省雋衣
冠中有虎符新詩餘和氣生談麈坐久風光入醉茵多謝
蘭臺舊盟主好歸群玉領儒珎

祕省再會次韻

蓬萊春宴聚文星多荷君恩錫百朋四座衣冠陪賀監一
時梁棟盛吳興圖書光動青藜杖人物温如古玉并好是

木天新境界
螢窓容我種金燈

古玉升見
隋律曆志

送曹大著知廣德軍

暫屈瀛洲客
來臨汭水民
山川歸史記
岳牧屬詞人
館舍朋簪舊
都門祖帳新
儒林官可紀
何止吏稱循

贈祕書王監丞

君不見祕書外
監賀放翁鏡湖一曲
高清風
又不見太子
師傅兩疏氏
東門祖帳羅群公
人生晚節良不易
頽波直下誰
障東使人知
有在我者二三君子
爲有功我公金華
山下住赤松
安期白雲處
風骨細瘦真
神仙急流勇退不
肯顧我昔山中
想風采幾回擊節歸
田疏適來追陪蒼水

佩親見辭歸白雲路御筆擢公領蓬山師表玉立東宮官
兩年苦口一去字未許鷗鷺從公閑瑤池深深鎖策府玉
皇宮闕僑其間暫分赤符管下界半空雲氣常往還多少
持麾辭上國悠悠風塵見此客莫作尋常太守看疏賀以
來偉人物夜瞻婺女次舍中一點光明射南極公歸眠食
重調護世道尚憑公氣力

贈莆陽卓大著順寧精舍三十韻

人生天地間一死非細事識破此條貫八九分地位趙岐
圖壽藏杜牧擬墓志祭文潛自撰荷鍾伶常醉此等蛻浮
生見解已不易齊物逍遙游大抵蒙莊意聖門有大法學

者必孔自知生未了了未到知死地原始則返終終始本
一致後來得西銘精蘊發洙泗吾體天地塞吾氣天地帥
一節非踐形終身莫繼志舜功禹顧養參全穎錫類伯奇
令無違申生恭不貳聖賢當其生無日不惴惴彼豈不大
觀何苦勤與寐吾順苟不虧吾寧始無愧人而有所忝曠
達未足智卓哉居士翁方心不姿媚蒙讒以去國七年無
怨懟風雨三閭茅松楸接蒼翠斯丘亦樂哉未老先位置
宇宙如許大豈以爲敝屣當其歸去來致命聊自遂天之
生賢才初意豈無爲民胞物同與何莫非已累君方仕于
朝名高貴所萃乾坤父母身方來日川至西銘一篇書順

事爲大義請君觀我生姑置末四字

送卓大著知漳州

蓬生隔風雨芸觀司陽秋厭作承明直出爲漳浦遊問俗
便桑梓過家拜松楸錦堂事相儷棠舍陰易留向來瀾蠶
間何物輒負舟翻覆十年事行止隨坎流倘來豈不再遲
取終無尤太守執此往邦人庶其瘳昔予援西銘期子以
前脩願覲弘濟學四海放一舟

陸氏登三閣源明出一麾清聲光漳浦便道拜長
基赤子歌來暮同寅賦去思西銘功用大竝驗順

寧詩

大陸登三閣源明出一麾臨軒親策後上冢過家
時秋色吳山外春風漳水涯斯文交獨厚羗賦送
行詩此初詩也不及用今附見此

和蕭安撫平林送行韻

逢辰字應父樞密
檢詳江西安撫

得失元來付塞翁
何心桃李問東風
人皆有喜榮三仕
我尚無文謝五窮
秘苑固知朋可正
畏途猶恐甲方衷
欲酬長者殷勤祝
坎止流行學四忠

和朱衡守約山韻

渙字行父
大理寺丞

昔人一出正朋字
今我慚非行秘書
人樣相看願元祐
詩章甚雅突黃初
競言汲顛猶須復
或謂顏愚亦可如
把酒對花姑勿論
春行後長莫妨徐

題玄潭觀雪浪閣用誠齋韻

棄官學道勾山許
學到至人本無怒
赤子觶觶如魚頭
不

堪妖孽腥上流鉗鍵長潭鐵樹立摩挲穹石寶劍濕當時
豈忍如是觀毒流不可開眼看英風凜凜萬古寒

玄潭觀和龔宰韻

晉代何曾谷此陵到今樓觀隱居亭幻成鷗鷺乾坤陶
盡魚龍雲水腥仙有神功叅造化人將故事入丹青我來
欲去長橋孽祠下徘徊夜乞靈

送朱制幹象祖

一官贅滂任如何屢䟽戕天氣不磨宋祚萬年陳大計周
圖五字訂前訛重尋范老憂時箸旁豎文公衛道戈投甌
近年殊不少人說似此君麼

送三山林溶孫歸省

束書遊京師孤雲瞻太行
辭歸慕何蕃捨養殊歐陽
山林乾坤靜菽水日月長
好味諸公詩勝讀寒泉章

京城借來福寺漆臺口占似王城山

名孟孫字長翁後大常丞

心如明鏡臺此言出浮屠後來發精義并謂此臺無此臺
已是贅何況形而器圖釋正超然點頭會意思多謝城山
翁一語迎禪鋒顧我塵俗人與物方溶溶

景定壬戌司戶弟生日有感賦詩

夏中與秋仲兄弟客京華椒柏同歡賀萍蓬可歎嗟孤雲
在何處明歲却誰家料想親幃喜中堂自點茶

暑布送王廷舉用蕭敬夫韻

平生涼薄資堪陶誤大窰誰知此石恠愈沃乃愈焦崑崙
織火鼠頓易鶉衣飄祭我絲蘿附免此蒲柳凋服之雪漫
白長袂風搖搖表之以霧縠緣之以烟綃振衣從姬滿佩
王遊西瑤

高人不烟火跳出天地窰掀然立千仞塊視金與焦香袂
拂雪冷紫髯逐風飄摩挲雲冥樹豈隨群卉凋但知仙骨
輕不學倒影搖人間盡描貌妙不在生綃揭斗斟天漿霞
衣却瓊瑤

題陳國秀小園

席地自乾坤半樹閱今古池館豈不寬每換牡丹主園公
非隴傭獨指占春風弄影不在多臭香知乃翁

長鶴展輕翻遠棲松桂林故宇入清夢盤盤亦苦心中林
風月賒十畝團幽陰林下有奇士繞樹從之吟

題靜山

地得一以寧凝然者卷石嵒巖及培塿異形不異質古之
能定者悟此爲一極春榮秋以悴一歲百態出鳥鳴花落
句此意誰與詰所以尼丘人仁智不廢一萬象此緯經死
灰彼何物明發此乎遊參入觀水術

贈拆字嗅衣相士

水火坎 離紫陽恠滑波皮骨長坡駭解州得解解中膠費
家卦舖同一解唵字從金詩反窮貝何爲分田何同黃絹
幼婦我自樂竹犬多事鴉鶴翁

阿英薰蒸透肌理不潔未蒙好西子芙蓉浪中薔薇水蘇
合蟻娘忘彼已馬嵬新鞞釣新月腥臊千年天地裂是間
曾著鼻孔麼梅香竇臭無如何

贈問丘相士

急流勇退識真臞昔有麻衣撥地爐我亦愛君雲水趣莫

言雷雨起江湖

言余遇水則發故云

贈神目相士

文山全集 卷之一
道茂數遁甲長房得役鬼風鑑麻衣仙地理青烏子擇術
患不精精義本無二竒哉夢筆生熊魚掩前氏

贈鏡湖相士

五月五日楊子江心水鑄作道人雙腫子吾面碟子大安
用鏡照二百里

贈秋月葉相士

急流勇退神仙跛蹙龍鐘將相借問華山山中何似天津
橋上

贈曾蘭谷相士

許負眼禰衡口巧言甘莠言醜

贈月洲相士

月洲月眼閱人多且道西州事若何朱紫貴人皆好命不知中有孔明麼

贈劉矮跛相士

鍊石爲形鏗金爲音世方好圓癡守方心陰陽網緝人一氣質善惡之微證于聲色意所欲發雖吾不知彼美子劉洞其先幾骯髒難合今世道病如子所言生稟已定懃夫勇士徃徃一偏以視妾婦豈不猶賢洪範得三二口剛克會其歸其好是正直學問工夫氣質用微汝能觀形安知其餘子術已定吾情已成子執子術吾安吾情

文山全集 卷之十
八
嬖姍三尺軀舉止如不揚瞻視照肝膽音吐何琅琅君看
水中鳧不及鶴脰長昔聞夔憐蛇未聞一足僵萬物各自
適形色安足量子言良有理與子持酒漿

贈梅谷相士

當年壽陽額春風點顏色後來廣平腸冰雪峙氣骨世人
識花面識花還自淺花有歲寒心清貞堅百鍊君家在梅
谷自詭知梅熟瀕得花性情不假花頭目莫說和羹事花
被和羹累突兀烟水村我梅自林氏

贈碧眼相士

蒼蒼垂天雲靈照行下土秋江浸草木魚蝦歷可數眉山

老麻衣偷入此阿堵色界只點頭從人道五晷

贈鏡齋徐相士

鄒忌不如徐公美引鏡自窺得真是門下食客纔有求昏
昏便與妻妾比徐家耳孫却不然自名一鏡京師市世人
無用看青銅此君雙眼明秋水君以無求游公卿勿令此
鏡生瑕滓堞子太面何難知從今光照二百里

贈鑑湖相士

瘦竹凌風弄碧漪山光雲影共熹微月黃昏裏踈枝外認
取半天孤鶴飛

贈趙神眼

一條一褐髯如鐵神爲秋水眼爲月欲從壺子覓三機劍
首終然吹一決

贈桂巖楊相士

榮悴紛紛未可期夕多未振已朝披得剛難免於今世行
好須看有驗時萱晝堂前惟有母槐陰庭下豈無兒好官
要做無難做身後生前是兩歧

宣州罷任再贈

貧賤元無富貴思泥塗滑滑總危機世無徐庶不如卧見
到淵明便合歸流落丹心天肯未崢嶸青眼古來稀西風
爲語巖前桂若更多言却又非

贛州再贈

此別重逢又幾時
贈君此是第三詩
衆人皆醉從教酒
獨我無爭且看棋
凡事誰能隨物競
此心只要有天知
自知自有天知得
切莫逢人說項斯

贈彭別峰太極數

手把先天已後書
當來一畫本全無
白雲山下泠泠水
自在人間太極圖

贈黃生銀河數

乘槎人從天上來
天上知有君平術
黃生能談君平書
不知曾認支機石

贈楊樵隱應炎談命

莘郊一介堯舜君民薇山二難百世忠清富春耕叟涕洟
雲臺終有遜士仕宦梯媒是數公者俱以隱名木石一跡
霄淵異情九華山人賣樵江湖請筭世間幾種樵夫

贈葉大明

大明標榜葉氏子自稱後村門下士誤言木吉字爲災後
村曾發一笑來其師流傳說如此寧知禍福乃不爾犀腰
貂首徒勞人甘藜藜藿無苦辛我生有命殊六六木字循
環相起伏袖中莫出將相圖盡洗舊學讀吾書

贈舒片雲

麻源謫仙人噓呵成陰陽向來懷袖間冉冉天孫裳一夕
大雷電六丁下取將仙人乘風來帝鄉又從膚寸起飛揚
仙術亦如此天機神翕張有時行渾天周游十三萬里強
往來仙馭不可韉正恐問命人望氣蓬萊隔渺茫

贈彭神機

挽強二石徒碌碌學到穿楊精藝熟百發百中無虛弦百
中一跌前功辱彭君絕識透黃間不師逢羿師珞琭天度
三百六十強一筭不容失正鵠吾聞天機難語人往來了
了拈衆鏃君姑藏用疑於神矢口莫輕談禍福

贈劉忠樸

文山全集 卷之二
楹何爲折劍何借鬚肯爲拂糞肯嘗馬公布衾王公飯石
家錦障丁家香忠邪佞邪兩無定一琬一璞異其性忠樸
先生躔法高古今四者豈關命五九六餘能善惡鐵筭不
是并州錯便從忠樸問如今忠果誰忠樸誰樸

贈金稱

我有一叢籬下花黃金滿眼無人拾夜看璇璣度玉衡猿
啼雨外青山濕

贈余月心五首

月之所在謂之身朝市山林幾樣人靜看一輪如此潔莫
將身著輒紅塵

我生之辰月宿斗如何誇譽由其口月明只合醒眼看斗
亦何須挹漿酒

月比於人歷世多纔圓又缺幾消磨只因受用長生藥嗟
尔死蛙如月何

一種黃州月曹蘇善惡幾吾磯連月釣此月是邪非
子心月其明子術星之數爲月詰衆星不知何以故

贈涂内明

老云五色令人盲面壁不視佛慧生彼皆去眼絕人僞孰
知涂者出天成有口能談貴人命有耳能聽貴人聲此中
一片光明藏嗜欲淺處天機深

贈一壺天李日者

汝南市人眼壺小天地大誰知
賣藥翁壺寬天地隘李君
血肉身大化中一芥天度三百餘滿腔粲著蔡仙翁以過
謫長房以術敗造化多漏泄鬼神爭訝惟君歸視斯壺口
匏深覆蓋得錢且沽酒日晚便罷賣

贈蕭巽齋

未有大撓書先有伏羲易古人尚卜筮今人信命術八卦
與五行皆自河圖出易中元有命道一萬事畢卦義六十
四蕭君得其一江湖旅瑣瑣談命以巽入人情愛委曲喉
舌嫌棘棘言言依忠孝君平意未失我生獨翫麟動取無

妄疾是有命流行誰隕復誰誦安能從兒女朝夕談昵昵
若卦有人買不妨君賣直

贈曾一軒

磨蝎之宮星見斗簸之揚之箕有口昌黎安身坡立命謗
毀平生無不有我有斗度限所經適然天尾來臨丑雖非
終身事干涉一年貝錦紛雜糝吾家祿書成巨編徃徃日
者迷幾先惟有一軒曾正德其說已在前五年陰陽造化
蕩晝夜世間利鈍非偶然未來不必更臆度我自存我謂
之天

贈龔豫軒數術

文山全集 卷之十
挾筴考休徵巫甘邁何追君亦布靈草乃復探其微載觀
河洛書今也休明時天高鳳鳥翔擊拊遨以嬉

贈剋擇徐吉甫

東望會稽山穆陵鬱嵒嶷卜壤藏劍履伯也昭其勞昔者
遊仙人龍耳致君王君家世其傳芳踵疇可量青囊落君
手辯語如流河尋雲履高阜湯湯俯長波朔風渺天垂萬
里草離離安得結方軌爲君起遐思

贈魏山人

君不見而家直臣犯天怒身死未寒碑已仆又不見而家
處士承天渥閉門水竹以自樂雲仍妙叅曾揚訣謂余地

宅誰優劣小煩穩作子午針靈於己則靈於人

贈老菴廖希說

短屐平生幾兩穿錦囊真得當家傳山中老去稱菴主天
上將來說地仙面皺不妨筋骨健舌存何必齒牙全金精
深處苓堪飯更佳人間八百年

彭通伯衛和堂

理身如理國用藥如用兵人能保天和於身爲太平外邪
奸其間甚於寇搶攘守護一不謹乘間敵益勅占有黃帝
書猶今六韜經悍夫命雄喙仁將資參苓羽衣爲其徒識
破陰陽爭指授別生死錚然震能名道家攝鉛汞膚腠如

重扃到頭闕鍵密六氣無敢嬰君方建旗鼓不敢走且驚
他時橐吾弓閉門讀黃庭

贈適菴丹士

本是儒家子學爲方外事此身恨鳧短有意求蟬蛻猶留
鼎餘藥還授人間世從君卧山中共談弘景祕

贈劉可軒寫真

燕額鳶肩都易寫從前只道點睛難近來阿堵君休問燈
下時將頰影看

慧和尚三絕

畫我郎潛先帝時而今白髮漸參差若交傳入都人眼疑

汝前身妙善師

傳神

風雪衡山涕滿膺
懶殘不管自家身
殷勤撥火分煨芋
却
有工夫到別人

相

花光老矣墨婆娑
無賴梅花一白何
爲問西來宗旨道
世
間色相是空麼

畫

象奕各有等級四絕品四人高下

螳臂初來攫晚蟬
那知黃雀沫饒涎
王孫挾彈無人處
一
夜凋盤薦玳筵

右一爲周子善言蕭耕山能勝二劉不覺敗於子
善子善敗於我

射虎將軍髮欲枯
茫茫沙草正迷途
小兒謾取封侯去
還是平陽公主奴

右二為耕山言老夫敗於子善也

坐踞河南百戰雄
少年飛槊健如龍
世間只畏兩人在
上有高公下慕容

右三為劉淵伯言所畏者惟吾與子善

擊柱論功不忍看
築壇刑馬誓河山
當年絳灌知何似
只在春秋魯衛間

右四為劉定伯言與淵伯上下也

贈樂軒彭善之

吾家小黃溪其間石甚巨可寫歸來辭可刻盤谷序晉唐
文章手誰敢以自負異時此重來煩君作玉筍

贈墨林曹大崧

魏我幼婦碑伶俜七步詩又得墨林墨淋漓湊作曹家三
絕奇

贈刊圖書蕭文彬

蒼籀書法祖斯冰篆家豪昔人鋒在筆今子鋒在刀收功
棠谿金不禮中山毛囊錐脫穎出鐫崖齊天高

題周山甫錦綉段

客從西北來遺我錦綉段上有雙鳳凰文彩何燦置之篋

文山全集 卷之一
十六
笥中歲月亦已晏天孫顧七襄雷電下河漢鳳凰忽飛去
遽然失把玩貧家機杼寒秋蟲助予嘆

題梅尉詩軸

乃翁聖俞君瑰辭燦琳琅吾鄉歐陽子逸韻諧宮商人物
雄中原園囿盛洛陽醲郁追皇風詭恠抑晚唐雲仍四方
志生長百戰場憂國杜少陵感興陳子昂我亦青原人君
遺明月光掩卷不能和握手談肝腸

贈羅雪厓樵青

蕭蕭山下人閉門衣裘單春心動溪谷曉起捫松看

題得魚集史評

男兒生作事豪傑死留名天運常相禪江流自不平百年
多險夢千古有閑評諸父淵源在吾猶及老成

題彭小林詩稿

其父號雅林

晚識宗文憶浣花刪餘今見雅名家牙籤料理西風讀共
笑鍾山說老鴉

題王聲甫松坡樵苦唱後

倚柯睨蒼髯短袂挾風雨談道誰我知對奕者其侶狂吟
發悲調谷鳴相律呂屢屢豈不怨寧售大夫股長鑱斲仙
苓穫薪爲吾煮

題毛霆甫詩集

雲澗美毛霆甫詩也

英英白雲在澗之濱彼美人兮其德孔純

英英白雲在澗之阿彼美人兮其思孔多

白雲英英澗水泱泱彼美人兮碩大且昌

雲澗三章章四句

閑居和雲屋道士

一樽聊共此時心文字追隨落醉吟
仙子樓臺脩竹外行人冠蓋盡橋陰
一年芳草東風老五月空江夜雨深
且作蘭亭歡喜集更論誰後又誰今

遊集靈觀

時奉祠祿

小洞烟霞國重陽風雨秋歐公嵩嶽步朱子武夷舟香火
真吾識觥籌且此遊龍山馬臺事糠粃舊王侯

題凝祥觀

前路風塵走且僵我來一日此徜徉歐公自是遊嵩觀迂
叟原非過太行始信神仙還有國不知蠻觸是何鄉世間
如此紛紛者贏得山林作道場

遊青源二首

鍾魚閒日月竹樹老風烟一徑溪聲滿四山天影圓無言
都是趣有想便成緣夢破啼猿雨開元六百年

空庭橫蝶蠅斷碣偃龍蛇活火叅禪筍真泉透佛茶晚鍾

何處雨春水滿城花夜影燈前客江西七祖家

題碧落堂

知瑞州日

大厦新成燕雀歡與君聊此共清閑地居一郡樓臺上人
在半空烟雨間修復盡還今宇宙感傷猶記舊江山近來
又報秋風緊頗覺憂時鬢欲斑

和龔使君韻

名琦知瑞州日

淡和心事葛天民回首歸來清渭濱長倩君賓孫子行道
原義仲輩流人一生受用忘非是萬事升沉等故新近日
貞元朝士少蒲輪有命出楓宸

餞新班弟

送君天上去當戶理瑤琴萬里白鷗遠千山黃葉深江空
行路影日暮倚門心若見西湖雪霸橋人正吟

別弟赴新昌

十載從遊久諸公講切精天淵分理欲內外一知行立政
須規範修身是法程對床小䟽隔戀戀弟兄情

和韻送逸軒劉民章

庚午科
名子俊

少日屠龍事已勞送人千里發江濤蓬萊地近風方細聞
闔門開日正高春裏看花須款款雨中剪韭且陶陶金吾
已辦長安月雙鳳扶雲立海鰲

題宣州疊嶂樓

文山全集 卷之一 十九
初日照高樓輕烟在踈樹峨峨遠岫出泯泯清江去簷隙
委殘籬屋隅連宿莽蒼蔚互低昂熹微分散聚城郭諒非
昔山川儼如故童鬢已零落姝顏慰遲莫沈沈澹忘歸欲
歸重回顧

題宣州推官廳覽翠堂前宣州推幕季君於其解
作亭梅聖俞以覽翠名之而爲之記今去之二百
餘年碑埋沒久矣天台陳君客實來發而得之復
表之亭上江山如昨翰墨宛然廬陵文某時守茲
土既爲作顏間二字復詩以志之

都官自楚產文采光陸離當年從事君如與山川期歲月

忽已適天球落塵土豈曰無嘉賓過者不我顧誰令赤城
子發坎出方珉靈物必復見其見乃以人回視城南端飛
甍俯蒼蒨物理有屈伸流峙豈云變寥寥南樓月至今有
遐音千年一邂逅共調風中琴亦欲結方軌擘蒞事幽尋
行行且言邁踟躕思何深

登雙溪閣

碧落神仙宅當年庾謝來烟雲連草樹山水近樓臺萬雉
銀缸舉千鴉鐵騎回梅花衣上月把玩爲徘徊

題吳城山

龍行人鬼外神在地天間彭蠡石罅出洞庭商舶還秋風

文山全集 卷之十
黃鵠闊春雨白鷗閑雲際青如粟河流接海山

和故人韻

去歲湟中穀醫瘡咸糶新一言堪救藥三秩敢貪嗔自是
仁由已休論哲保身當時若瘖默何面見鄉人

人情嗟愈變世法合何如氣以心平定才因意廣踈時行
或時止無咎亦無譽第一巖交際琴紳敢不書

賦吉州隆慶寺塔火

玉塔穿空不可梯剗然霹靂暗招提四城決破吳胥眼一
炷然成漢卓膺風雨滿山連地捲鬼神現世覺天低時人
子細回頭看萬事悠悠落日西

寄故人劉方齋

溪頭濁潦擁魚鰕笑殺漁翁下釣差棹取扁舟湖海去悠
悠心事寄蘆花

題高君寶紺泉

渟渟巖下泓澄碧落梧影寒瑤披清焱殘月照澗澗俯淵
測浮雲流日蕩茗頰向來滄浪歌孺子不可訶載霑衣上
塵懷古意深未招招素心人相期發深省

題曾氏連理木

皇后嘉樹生僑僂四衢五衢合一軌德澤純洽八方一乘
木而王固如此大明香琴橘貞觀王華李一時圖傳傳奇

觀榮華過眼轉丸易惟有武城宅前樹不知何年已連理
從來縣官不以聞武城子孫世專美人言協氣薰嘉生此
家孝友陶協氣朱門多少鎖喬木百年瞬息滋一喟焉得
鼎鼎爲輪菌受命不遷相曾氏傳聞此木更八世方遇麻
陽大夫記誠齋先生字麻陽又幾年却入青螺地輿志比
來徹當路表名連瑞里有日捧圖上嘉禾靈草共青史物
生隱顯殆有時展如之人亦應爾梗楠杞梓離竒生繼此
廬陵城北不止稱三瑞

題滕王閣

五雲窓戶瞰滄浪猶帶唐人翰墨香日月四時黃道闊注

山一片畫圖長迴風何處搏雙鴈凍雨誰人駕獨航回首
十年此漂泊閣前新柳已成行

題黃岡寺次吳履齋韻

名潛丞相

長江幾千里萬折必歸東南浦驚新鴈廬山隔晚風人行
荒樹外秋在斷蕪中何日洗兵馬車書四海同

龍霧洲覺海寺次李文溪壁間韻

名昂英侍郎

閣黎鍾後訪團蒲江色漫漫晝欲晡一笛梅邊何蒲子千
簑蘆外筆頭奴急風吹鴈還家未新雨生濤到海無本是
白鷗隨浩蕩野田漂泊不爲孤

題鍾聖舉積學齋

東家築黃金西家列珊瑚嘆此草露晞良時聊斯須古人
重孜孜殖學乃蓄畬彼美不琢瑀櫝中竟何如空同白雲
深君子式其廬斐几照初陽垂籤動涼噓方寸起岑樓一
勺生龍魚辰乎曷來遲競諸復競諸

題顏景彛八窓玲瓏

我聞無纖埃風日自清好面向有芙蓉何如交翠草
吾聞開十牖不及一戶明奉宇有天光八荒盡夷庚

予鄧峒

巽齋歐陽先生爲塗鄧峒賦詩以孝子

慈孫望於人先生之盛心也敢不拜手敬贊鄧君

勉之

乃翁猶旅殯霜露幾焮高日與清江遊雲連桂嶺高時無
郭元振夢有令狐絢目斷方田墓招魂我欲騷

題陳正獻公六梅亭

相府亭前梅六株四圍香影護琴書月華猶帶玉堂色風
味曾分金鼎餘五柳門前空寂寞三槐堂上竟蕭疎惟渠
不變凌霜操千古風標只自如

文山即事

宇宙風烟闊山林日月長開灘通燕尾伐石割羊腸盤谷
堪居李廬山偶姓康知名總閑事一醉棹滄浪

出山

日日騎馬來山中歸時明月長在地但願山人二百年一
年三百餘番醉

關山寄朱約山

一笠一簑三釣磯歸來不費買山貲洞天福地深數里石
壁湍流清四時樵牧舊蹊今可馬鬼神天巧不容詩先生
曾有空同約那裏江山未是奇

山中即事

攜壺藉草醉斜陽白鶴飛來月下雙蘆葉西風驚別浦芭
蕉夜雨隔踈窓千年帝子朱簾夢一曲仙人鐵笛腔若問
山翁還瘦否手持漁竹下寒江

宿山中用前韻

南山之隩北山陽羽扇輕風共影雙
畫漿菰蒲明月笛青燈蟋蟀白雲窓
半生遊子成行債一夜佳人作別腔
倚釣重來此策笠梅花十里雪空江

山中

滄州棹影荻花涼款乃一聲江水長
賴有尊風堪斫膾便無花月亦飛觴
山中世已驚東晉席上人多賦晚唐
何處魚羹不可飯蚤拚泉石入膏肓

山中謾成柬劉方齋

名夢桂居南湖
太師公玄孫

東風解凍出行嬉一闋烟塵隔翠微
自有溪山真樂地從

來富貴是危機二三輩行惟須醉多少公卿未得歸
日主人酬一座小船旋網鱖魚肥

山中載酒用蕭敬夫韻賦江漲

拍拍春風滿面浮出門一笑大江流坐中狂客有醉白物
外閑人惟奕秋晴抹雨粧總西子日開雲暝一滁州忽傳
十萬軍聲至如在浙江亭上遊

山中再次胡德昭韻

不將顏色汗黃金落得灞橋驢上吟是處江山生酒興滿
天風雪得梅心觥籌堂裏春聲沸燈火林臯夜色深人世
可能行樂耳重游不用卜晴陰

人生柳絮鬪堅牢，過眼春光歎伯勞。
蜀道謗傳千古險，廬山方許一人高。
眼前見赤徒妨道，耳後生風未當豪。
明月蘆花隨處有，扁舟自在不須篙。

曾見尊前此客哉，笑携麈尾拂莓苔。
水邊飛鴈年年見，湖上新亭日日來。
酌菊醉餘披草坐，探梅吟罷帶花回。
北厓尚被剛風隔，笑殺匆匆上馬杯。

山中立夏用坐客韻

歸來泉石國，日月共溪翁。
夏氣重淵底，春光萬象中。
窮吟到雲黑，淡飲勝裙紅。
一陣絃聲好，人間解愠風。

山中和韻

白扇揮殘暑青鞋踏嫩晴花床尋小隱石鼎引長鳴紗帽
有時去酒壺惟意傾山僧癡與坐閑却瘦彌明

山中泛舟觴客

便作乘槎客蕭蕭骨髮清尊前山月過笛裏水風生半夜
魚龍沸三秋河漢明雪堂眠二客夢與白鷗盟

山中自賦

門外蒼松一水修不必清高逼巢許祗
教瀟灑勝由來空花自滿三千界老樹相看五百秋坐有
鷹揚人物在怕牽昨夢上漁舟

入山即事

江流風瀲瀲雲薄雨絲絲上馬忙呼繖巡簷靜看棋露天
厨作溽沙地水生池秉燭留前夕茲遊更絕奇

山中即事

山中方雨笠天外忽晴絲夕釣江澄練春行路布棋乾坤
供俯仰歲月任差池有酒如澆在何妨日問奇

山中感興三首

載酒之東郊東郊草新綠一雨生江波洲渚失其足青春
豈不惜行樂非所欲采芝復采芝終朝不盈掬大風從何
來竒響振空谷我馬何玄黃息我西山麓

山中有流水霜降石自出驟雨東南來消長不終日故人

文山全集 卷之十
書問至爲言北風急山深人不知塞馬誰得失挑燈看古
史感淚縱橫發幸生聖明時漁樵以自適

桃花何天天楊柳何依依去年白鳥集今年黃鵠飛昔爲
江上潮今爲山中雲江上潮有聲山中雲無情一年足自
念况復百年長但存松栢心天地真茫茫

山中呈聶心遠諸客

誰入山來問野舟一篙花外渡深流小顰風樹蹠蹠鶴淺
約湍沙浩蕩鷗湖上有時思洛社人間何處不滌洲徘徊
才是黃昏候短笛先催月上樓

再用前韻

黃葉婆娑上釣舟
喚回舊夢到江流
多情政自憐檣燕
兩鬢終當付野鷗
未說離懷向南浦
須知詩意在夔州
朔風昨夜吹沙急
早覺寒聲戰玉樓

山中六言三首

兩兩漁舟搖下雙
雙紫燕飛回流
水白雲芳草清風
明月蒼苔

鶴外竹聲簌簌座
邊松影踈踈夜靜
不收棋局日高猶
卧紗厨

風煖江鴻海燕雨
晴簷鵲林鳩一段
青山顏色不隨江水
俱流

用蕭敬夫韻

庭院芭蕉碎綠陰
高山一曲寄瑤琴
西風遊子萬山影
明月故鄉千里心
江上斷鴻隨我老
天涯芳草爲誰深
雪中若作梅花夢
約莫孤山人姓林

山中

烟雲開窈窕
荆棘剪離披
蠟屐上下齒
竹枝長短詞
半山江色透
獨樹午陰遲
世上兒孫老
有人猶看棋
倏忽當年遇
蒙茸幾度披
水霞明盡卷
草樹幻騷詞
鳥過目不瞬
江流意自遲
世人空黑白
一色看坡棋

竹花

黃家紫家鬪魏姚夷齊王立青蕭蕭便是人間小天地不
特水上作萍萍

夜歸

市橋燈火未闌珊一簇人家樹影間想把神仙爭羨我不
知我正羨渠間

八月十六日見梅

廣寒殿裏玉梅開那得孤山處士來半夜西風半身影夢
中騎得雪驢回

和蕭秋屋韻

蘆花作雪照波流黃葉聲中一半秋明月嬋娟千里夢扁

文山全集 卷之十
舟汗滂五湖遊星辰活動驚歌笑風露輕寒敵拍浮贏得
年年清賞處山河全影入金甌

月夜

月到中天雲劃開斷橋幻出玉樓臺夜深一鶴掠舟過疑
是坡仙赤壁來

江行

日日看山好山山色蒼茫機鷗下早戀旣馬行忙松曉
清風濕荷秋流水香短簑吹鐵笛年歲大江長

紙帳

紙帳白如雪上有坐客影一白不自由黑光蕩無定人倦

影已散依然雪花瑩
須臾秉燭眠相忘
心日靜

爲劉定伯索油蕨

我欲登山去采薇
江南秋雨正霏霏
仙家解有逡巡手
一
筋西風落翠微

山中小集

江山閑勝賞萬戶
不須留客醉客多
事吾詩吾自酬
夕風吹絳蠟
春色漾黃流
賓從歸來夜
淙翁無此遊

新年

梅花枕上聽司晨
起縮金章候拜親
喜對慈顏看鋪鬢
髮雖踈脫未如銀

生日和聶言甫

五月初二日

青蒲花未老黃竹筍初生細味詩工部閑評字率更大江
流日影時鳥說春榮共作千年計身謀政自輕

生日和謝愛山長句

崧老字伯華

余屏跡山間誦昌黎三星行政自多感亦何有於初度
客謝愛山翩然遠來貽我長句噓拂而纁籍之者至矣
倚歌而和愧不成章

寓形落落大塊間噓吸一氣自往還棄孤未了男子事何
能局促甘囚山昔年此日作初度賓客如雲劇歡舞今年
避影却閉門捧觴自壽白頭母故人憶我能遠來虹光滿

袖生瓊瑰一栝相屬慰岑寂使我發笑愁顏開簸揚且聽
箕張口丈夫壯氣須衝斗夜闌拂劍碧光寒握手相期出
雲表

生日謝朱約山和來韻

元豐五年正月日洛中耆英佳話出當時韓公七十九歡
喙賡酬老吟筆偉然冠劍照孔鸞船背鳩杖蒲輪安韓公
而下文寬夫相高以壽不以官洛塵已隨流水急雲仍相
逢松下石顧我行輩真我來無暮故事強安排約對青山
共長久醉歌要賽滁州守願隨後社著深衣闡風伏雨從
是非便令攜樽西墅去山花山鳥爲歌舞招招瑤母來庭

文山全集 卷之十 三十
闡拍手共笑偷桃兒吾山陂陀白雲滿猿鶴司我北門管
紫霞隔斷雞犬聲下有琥珀滋長齡向來福地七十二此
亦清高仙地位朝遊崑崙暮崆峒駕風鞭霆迎我公丹厓
翠壁千萬丈與公上上上上上

生日山中和蕭敬夫韻

山深不用結涼棚風起江蘋暑氣輕處士林泉自今古男
兒弧矢付豪英客來不必籠中羽我愛無如橘裏枰一任
蒼松栽十里他年猶見茯苓生

與朱古平飲山中和蕭敬夫韻

古平名植字聖陶
丙辰賦魁太傅卒

江山自足引千杯况有如今此客栽石室只還湖守住廬

峰曾屈晦翁來酒酣剩有詩酬唱步倦何妨車馬回遊徧
此山方可別北厓莫遣曉雲開

所懷

英英香蕙莖朝華收拾東風作一家燕語鶯啼春又夏燈
花剔盡暗窓斜

山中偶成

白鶴飛來牽我衣東風吹我下漁磯當年祇爲青山誤直
草君王一詔歸

次約山賦杏花韻

名花韻在午晴初雨沁臙脂臉更敷蒲驛莫妨娛刺史錦

坊豈不勝中書時無艷曲臨軒縱公莫魏壇韞匱沾春老
綠陰青子近東風來往一吹噓

贈南安黃梅峰

清淺風流聖得知黃昏歸鶴月來時嶺頭更有高寒處却
是江南第一枝

送人往湖南

鴈拖秋月洞庭邊客路淒涼野菊天雲隔酒尊橫北海風
吹詩史落西川夜深鬼火千山雪春後鶻花一樹烟爲我
祝融峰上看朝暎白處禮蓬仙

題張景召簿尉梅墅并餞入南

喚醒三影燕支魂一枝半樹專黃昏江南暗香鬱不住霜
風吹入羅浮村踈枝不入輞川畫暗香不到東山棋雲階
一枕梨花夢參橫月落無人知

和謝愛山晚吟韻日晚與客散步因誦夕陽雖好
不多時之句謝愛山欣然賦之余亦率然口占以
和亦一時之樂也

日落未落天滄涼懸厓掛壁留餘光紫烟翠霧空迷茫颼
颼度壑松風長牛背短笛催歸忙飄飄逸興空悠揚襟懷
灑落萬慮亡須臾薄暝山色藏長歌浩浩相激昂淡雲弄
月微昏黃

別謝凌山

綠綺知音早青燈對語遲那知今雨別又重故人思山隔
詩情遠雲含客思悲小樓今夜笛莫向月中吹
君今拂衣去我獨枕書眠一片過林雨數聲當戶蟬情長
空有恨吟苦不成篇後會知何日西風老鴈天

和胡琴窓

名日宣
字德昭

買得青山貴似金瘦筇上下費沉吟花開花落相關意雲
去雲來自在心夜雨一江漁唱小秋風兩袖客愁深夾堤
密與栽楊柳剩有行人待綠陰

七月十二夜用燈牌字韻湊成一詩與諸賓一笑

赤壁當年賦子虛西風忽復到菰蒲蟾蜍影裏千秋鑑蟋蟀聲中七月圖詩思飄飄入雲漢歌聲隱隱動江湖萬家蕭鼓連燈火見說來年此事無

病中作

歲月侵尋見二毛劍花冷落鵝鶻膏睡餘吸海龍身瘦渴裏奔雲馬骨高百忌不容親酒具千愁那解減詩豪起來大作屠門嚼自笑我非兒女曹

又二絕

瞿塘隘處直重險勾漏坡前又一灘世事不容輕易看翻雲覆雨等閑間

病中忽悞通真理靜處專尋入定工雨汗淋頭都不管須
史和氣自冲融

又賦

一病忽兩月蓬頭夏涉秋形羸心自壯手弱筆仍道昨夜
燈如喜今宵蝶莫愁問誰驅五瘡正與五窮謀

一病四十日西風草木涼倚床腰見骨覽鏡眼留眵倦策
吟詩杖頻燒讀易香夜深排果餌乞巧太醫王

又賦

病裏心如故閑中事更生睡猫隨我嬾點鼠向人為羽扇
看棋坐黃冠扶杖行燈前翻自喜瘦得此詩清

驟雨知何處一溪秋水生苦吟肩鶴瘦多病耳蟬鳴隱几
惟便睡挑包正倦行山深明月夜乞我半窓清
寄興逸吾病吟詩老此生風高鴻鴈起晴久鶉鳩鳴野樹
辭秋落溪雲帶雨行晚涼便懶坐移傍竹陰清

借道冠有賦

病中蕭散服黃冠笑倒群兒指爲彈祕監賀君曾道士翰
林蘇子亦祠官酒壺釣具有時樂茶竈筆床隨處安幸有
山陰深密處他年煉就九還丹

又賦

時以草果數百枝
作枕遂得汗

一番潮信過時暫脫熬煎心似轆轤轉身如微纒纏夜聽

飢鼠嘯晝看伏雌眠急雨千山動應知為解弦

病甚夢召至帝所獲宥覺而頓愈遂賦

卧聽風雷叱天官赦小臣平生無害物不死復為人道德
門庭遠君親念慮新自憐螻蟻輩豈意動蒼旻

病愈簡劉小村

秋光沁人骨意氣曉來新古鼎龍團雪虛簷塵尾春商山
奕棋老赤壁洞簫賓風月真倉扁招呼入屋頻
倦餘心似醉病起首如蓬黃竹斷橋雨白蘋長笛風僂僂
鷗屢舞咄咄鴈書空孤負秋來眼閑挑爨下桐

夜坐偶成

蕭蕭秋夜涼明月入我戶攬衣起中庭仰見牛與女坐久
寒露下悲風動紈素不遇王子喬此意誰與語

簡琴窓雲屋竹軒諸友

世情千萬變險甚劍頭炊嗜傳姑成癖登山且作癡烟霞
非疾痼泉石自心馳獨喜精神健山中剩有詩

用前韻留琴窓

百年矛上浙萬事枕中炊病苦還思老貪嗔未若癡雲低
天欲動江長岸如馳明月西風健山頭賦別詩

病中作

六月廿四夜人間熱欲炊病懷如酒困倦聽似書癡夢與

又山全集 卷之十
三十五
千年接心隨萬里馳客來相問訊寄語有新詩

又用韻簡李深之

名道大
號深齋

晚尊和月吸早飯帶星炊鵬鷄從高下螳蟬任點癡水澄
神自止雲遠意俱馳門外誰車馬故人來課詩

早起偶成

澹澹池光曙沉沉野色秋片雲生北舍隻鴈過南樓有見
皆成趣無言總是愁芭蕉夜來水噉罷自搔頭

又用韻

江山如有意天地可無秋夜月馮驩鋏西風王粲樓露蛩
令我喜烟草爲誰愁且醉杯中物相看尚黑頭

曉起

夢破風烟迥衾寒不自由
鍾聲到枕曙月影入簾秋
鴈過江山老蛩吟草樹愁
整冠人共笑兩月不梳頭

遠寺鳴金鐸踈窓試寶熏
秋聲江一片曙影月三分
倦鶴行黃葉癡猿坐白雲
道人無一事抱膝看回文

夜坐

淡烟楓葉路細雨蓼花時
宿鴈半江畫寒蛩四壁詩
少年成老大吾道付逶遲
終有劍心在聞雞坐欲馳

和朱松坡

學醫未至太醫王笑殺
年年折臂傷屏裏江山如出色
亭

文山全集卷之十
三十一
臯松菊已成行細叅不語禪三昧靜對無弦琴一張多謝
嶺頭詩寄我滿園梅意弄春光

借朱約山韻就賀桂冠

身健尚堪松下飯眼明正好橘中棋青山有約當朱戶白
首何心上彩闈栗里田園供雅興午橋鍾鼓賞清時晚來
倦客秋江上坐看半天黃鵠飛

用前人韻賦招隱

釣魚船上聽吹笛煨芋爐頭看下棋騰有晚愁歸別浦已
無春夢到端闈去年尚憶桃紅處好景重逢橘綠時瓊重
山人招隱意猿啼鶴嘯白雲飛

用前人韻招山行以春爲期

掃殘竹徑隨人坐
鑿破苔磯到處棋
一水樓臺開曉鏡
萬山花木放春闈
雪中便有回舟興
林下豈無晚筍時
莫待東風吹柳絮
眼穿籠鶴遶湖飛

翰林權直罷歸和朱約山韻

閑雲舒卷無聲畫
醉石敲推一色棋
試問挂瓢棲碧洞
何如襍被卧彤闈
夢中芳草還成路
別後黃花又是時
羞殺今年堂上燕
片心寄與鴈南飛

慶羅氏祖母百歲 羅氏慶門壽母百歲父老見

所未嘗鄉閭夸以爲盛
某既交朋升堂爲壽退布

席廳事與橫舟昆弟子姪舉酒盡歡酒酣賦詩志
喜也

麗日萱花照五雲升堂風采見乾淳蓬萊會上逢王母婺
女光中現老人雨露一門華髮潤江山滿座綵衣新只將
千載苓爲壽更住人間九百春

拜羅氏百歲母之明日主人舉酒客張千載心賦
詩某喜贊不自己見之趣韻

翠微三島近畫閣五雲橫春水鷗聲滑夕陽鴉背明尊前
持一笑花下卧餘醒曾見瑤池母不爲虛此生

醉清湖上三日存叟獨不在坐即席有懷

石鼎吟方透瑤觴醉未闌
疎林花密綴舊壘燕新安
春半湖山好夜深江海寒
王孫隔芳草初月正相看

羅山長存叟兄弟來謝宴山中

存叟名耕登科

天開盤谷隱春到浣溪家
一水樓臺影滿山桃李花
春風寄橫笛夜月擬乘槎
政好逢佳客江空北斗斜

壽朱約山八十韻

九月十三日

翠袖瓊樓八十翁
平安曉宇看孤鴻
五湖圖裏添彭祖
南極光中約祝融
日日青山醉春色
年年黃菊飽西風
鷹揚但願無施處
臣老婆娑一釣蓬

壽朱約山八十三歲

八十餘翁雪滿顛深衣大帶耳垂肩磻溪回首今二載絳
縣論心又十年歸去來兮真富貴美哉壽也活神仙門前
燕雀紛如雨媿我白雲深處眠

賀祕書歐陽巽齋先生遷居

名守道
字公權

先生挾冊當菑畚不待辛勤有屋廬宅樣只還齊里舊鄉
風好似潁川居鏡湖今日賀外監瀛館前年虞祕書天下
經綸猶一室時人尚敢說吾迂

挽李制帥二首

名遇龍
字叔興

上下荆淮劍氣雄進擔全蜀凜英風將壇軟血金湯志白
腹填天竹帛功治法征謀闕世道精忠定力簡皇衷傷哉

生出瞿塘險翻落黃梁一夢中

世變江河渺未涯如公真是濟時危幾年荆益龍驤譽一日瀟湘鵬識悲天下皆傳清獻節人心自有武侯碑郎君昔共慈恩約拄泪西風寄些詞

挽孫庸齋

樞密兄

淮水竒人物樞星偉弟兄泰山開學譜雲谷發時源委史初行志修文莫返蒐功名傳久遠賴有二郎存

挽龔用和

結屋南陵三十秋田園舊隱隔江流鄜州避亂杜工部下澤乘車馬少遊名利無心付隍鹿詩書有種出烟樓長淮

清野難歸玉鬼魄猶應戀故丘

挽萬監丞益之

文華時輩右質朴古風餘壁上春陵記屏間太極圖雲山
居士屋風雪故人書一夢中觀化堯夫以後無

哭祕書彭止所

名方迥丙辰省元

人物孤中祕神山返異仙目穿陪紉處夢斷曝書年王質
應無死韋編豈不傳莫芻和泪遣此月向誰圓

挽湖守吳西林

名道夫字深源沒於湖

凜凜千軍筆堂堂一面威荆流春浪湧峽樹莫雲飛素壁
鯨猶在中橋鶴不歸劍亭遺跡古豐石照山輝

傾蓋歲年晚相知江海深
春天思北樹夜雨話西林
五嶺生前夢中原地下心
英雄凋落盡慷慨一露襟

挽高郵守晏桂山

名陶字復之
秘書丞

淮南已仙去桂樹鬱青青
五馬賢聲望三丞舊典刑
邦人多感嘆諸老半凋零
何日持雞酒傷心請葬銘

挽鄆晉叔主簿

名晉同榜

此君何坦坦迴首杏園遊
魂魄湘潭去聲名彭澤休
百年中道短千里故鄉愁
六子三方幼遺言可泪流

挽王遠叔

孟嘗生五日白首嘆遭逢
燈火殘編雨壑鹽短褐風
八天

下鷗鷺半水偃蛟龍原上諸生哭黃花衰草中

挽蕭帥機虎溪

名了翁
字明可

世以千金重誰能學隱君一門名似雨滿座客如雲志願
生無憾聲華死有聞韓碑照原草含笑有斯文

挽朱尚書貌孫

一代文昌貴千年諫議名天球聲渾厚元酒韻和平巖穴
思風采朝廷惜老成東西生死別江水泪爲傾

挽太博朱古平

白氏賢司馬昌黎真學官江湖驚落筆朝野望彈冠犬馬
高風骨秋鷹折羽翰萊庭人白髮烟雨萬松寒

鐘磬傷同志青燈憶舊游臨軒朝鳳闕馳道聽雞籌魏野
神仙宅元龍湖海樓西風一揮泪世事盖棺休

挽黎致政

黎探
花祖

楚峰天地闊四世百年家鶴髮垂袍葉龍孫上榜花詩書
新雨露松栢老烟霞白馬蒼山路斯人忽已遐

古心江先生以舊弼出鎮長沙癸酉十月乙亥是
爲七十六歲門人文某以一節趨走部內謹擬古
體一首爲壽

炎圖啓丕運皇路熙以平蜿螭發今姿有美洵一人鴻藻
舒朝華大音鏘韶鈞黼珽麗三階火龍昭統紘桓圭殿南

服熊旂被金城瞻彼鷄爲火翼軫宣其精祥鸞舞瑤席鳴
鳳翔媧笙孟冬兆陽氣西北無浮雲駕言酌春酒可以寫
我情揚旂下祝融躡履朝奉清嘉猷扇九垓還以遂古淳
君子保金石所以永國成純嘏錫千歲綿綿贊休明

送張宗甫兄弟楚觀登舟赴湖比試

金螺曉氣照人寒手把天漿領佩環夜月送魚來赤壁秋
風吹鴈發衡山東南折處棋花見牛女光中槎影還見說
青年文賦好士龍一笑共雲間

衡州送胡端逸赴漕

號觀齋 時八月十五日發兵討賊

楚觀簷花曉舟人擊鼓東蛟龍嘆靈雨鷓鴣展雄風此客

雲霄士斯文造化工捷來君飲此我亦凱元戎

題楚觀樓

西風吹感慨曉氣薄登臨半壁楚雲立一川湘雨深乾坤
橫笛影江海倚樓心遺恨飛鴻外南來訪遠音

安序宋吏部來牧衡陽某將指聯事好也會以便
郡歸養獲忝交承臨發賦詩湘水千里

傾蓋年華晚行人早發湘白雲虹浪小明月燕花香南浦
春何急巴山日正長祝君加一板我意爲桐鄉

贈周東卿畫魚

觀君瀟湘圖起我濠上心短褐波濤舊秋雨菰蒲深

某叨臬衡湘蒙恩以便郡歸養肯齋大卿實寓衡
我十年前邦君也一再見間即分南北五言啓之

所以致今舊兩繾綣云

李肯齋
名莘

瀟湘一夜雨湖海十年雲相見皆成老重逢便作分啼鵲
春浩蕩回鴈曉殷勤江關人方健月明思對君

幕客載酒舟中即席序別

故人滿江海遊子下瀟湘
夢載月千里意行雲一方
櫓聲人語小岸影客心長
總是浮萍迹飛花莫近檣

用韻謝諸客和章

傳鼓發船去我秦君向湘持螯思太白占鵲問東方世味

秋雲薄交情江水長相期天路曉陣馬度風櫓

湘潭道中贈丁碧眼相士

自詭衡山道士孫至今句法有軒轅世人未見題堯廟盡
把昌黎作寓言

收拾衡雲作羽衣便如屈子遠遊歸離騷忘却題天柱爲
立斜陽問翠微

咸淳甲戌第二朔予道楮洲里徐叟方諫自長沙
來爲別問客幾何曰半年矣臨別爲賦

君爲湘水燕我作衡陽鴈鴈去燕方留白雲草迷岸

和衡守宋安序送行詩并序

文山全集 卷之十
四三
某將指罔功叨符便養初聯寅誼近依清燕之香未忝
交盟親授朱提之印冠蓋一時之盛事縉紳百世之深
情別集殷勤歌詞鄭重夢回雲舍深懷萱草之詩思乏
雪車謗和梅花之賦瞻言作遠覽擲爲榮

王立湘西第一州丹梯小爲嶽雲留東風城郭人行樂春
日旌旗公出遊便赴縑香摩碧漢莫嫌綉影沈清流兩君
相見衣冠好記取兒孫好話頭

方共衡雲把酒杯春風吹向鬱孤臺鴈將回處驚帆落花
未開時怯笛催別草可堪遊子去寄梅應爲故人來臨行
笑覓凝香譜十駕那追逸驥材

贈萍鄉道士

道上觀行人半似重相見古云性相近性豈不如百萬形
本一性萬心方一殊世固難絕聖亦恐難絕愚

白髭行

憶昔守宣時白上一根髮去之四五年一化爲七八今年
客衡湘黑髭已多黃衆黃忽一白驚見如陵陽白髮已爲
常白髭何足恠歲月不可歇雪霜日長大世人競染緇厭
之固足嗤誰服蘆蓴湯避老亦奚爲少老如春秋造物以
爲儔吾方樂吾天樂天故不憂

將母赴贛道西占

重來鷗閣曉帆影漲新晴倚檻雲來去閉簾花送迎江湖
春汗湧歲月老崢嶸手把忘憂草夔夔繞太清

快閣遇雨觀瀾

一笑登臨晚江流接太虛自慚雲出岫爭訝雨隨車慷慨
十圍柳周回千里魚故園隄好在夜夢繞吾廬

題鬱孤臺

城郭春聲閣樓臺晝影遲並天浮雪界蓋海出雲旗風雨
十年夢江湖萬里思倚闌時北顧空翠濕朝曦

予題鬱孤泉筦五湖翁姚濂爲之和翁官滿歸里

因韻贄別并謝前辱

巢龜君住好，涌翠我來遲。
夜雨呼三韭，春風試一旗。
飛花行客夢，芳草故人思。
何日五湖上，同看浴海曦。

用韻謝前人

茲遊良邂逅，吾道未逶遲。
斗野橫雙劍，牛津直兩旗。
北風應小住，明日便相思。
輸與君家近，扶藜五色曦。

翠玉樓晚雨

晚樓一曲轉梅花，官事無多報放衙。
林木蔽虧烟斷續，江流曲折雨橫斜。
年華冉冉風前影，歲莫悠悠客裏家。
一鴈近從沙觜落，更饒片雪入天涯。

翠玉樓觀雪

矯矯臨清泚濛濛認翠微
綿春生客袖鐵冷上戎衣
柳眼驚何老梅花覺半肥
新來有公事白戰破重圍

翠玉樓和胡端逸韻

客影魚千里年華柳十圍
白雲栖石密黃鶻出烟微
江海秋風老湖山晚日暉
鬱孤臺上望野闊犢初肥

翠玉樓

昏鴉何處落野渡少人行
黃葉聲在地青山影入城
江湖行客夢風雨故鄉情
試問南來信梅花二兩英

合江樓

天上名鷄尾人間說虎頭
春風千萬岫秋水兩三洲
客晚

驚黃葉官閑笑白鷗雙江日東下我欲賦扁舟

西楚驚鴻晚東淮落木秋蒸湘今石鼓句宛古宣州白日
聊清賞青山總舊遊不知滄海水何處接天流

皂蓋樓

一水樓臺繞半空圖畫開蝸涎行薜荔雀影上莓苔碧落
人千載青山酒一杯晚烟看不盡待月却歸來

石樓

曉色重簾捲春聲疊鼓催長垣連草樹遠水照樓臺八境
烟濃淡六街人往來平安消息好看看到嶺頭梅

馬祖巖

文山全集 卷之十
四
曾將飛錫破苔痕一片雲根鎖洞門山外人家山下路石
頭心事付無言

禪關

秋風吹日上禪關路入松花第一彎只願四時烟霧少滿
城樓閣見青山

吸江

絕壁千尋俯雪潭春花秋草有鬢鬢當年誤著蒲團坐惹
得人稱馬祖巖

塵外

半山風雨截江城未脫人間總是塵中夜起看衣上月青

天如水露華新

雲端

半空天矯起層臺傳道劉安車馬來山上自晴山下雨倚
闌平立看風雷

清江何漢英再見於空同讀歐陽先生詩感慨爲
賦

采芝雲滿山采壁瀑垂澗當年有清徽爲寄南來鴈鴈去
人已逝歲月割云晏流水失聲音西河老憂患往日志士
悲窮途行子慣君爲梁宋遊我復江漢宦十年耿相逢千
里欠一盼玄機寄糟粕美疢隋芻豢贈子歸東方聊薦吳

興覓

送曹倅巖山官滿歸里

名大發
顛倅

春陵光霽落蒼苔
葛水神仙立翠槐
萬里雲霞麒麟路
三年風月鳳凰臺
興同老子復不淺
歌曰先生歸去來
庾嶺梅花開漸徧
一枝就與寄蓬萊

和前人賦別

翠松三萬頃
松雪著神仙
柳院催金鑰
江花送玉鞭
曉巖雲壁立
晚棹浪規圓
未了醉翁事
重尋顛上田

當年童子見
今見二毛翁
海月三秋別
江雲一日同
鷗心

馳舍北龍尾
曳天東
定有延和奏
南來寄一通

贈明脉蕭信叔

枚乘擅七發郭玉明四難微言起
沈痼此道今湯湯云何
東海生而乃緒真要砦然以神遇
契彼鏡經妙我欲炊彫
胡俯鑿菊水泉壽彼方與人六氣何由譽

贈林碧鑑相士

咸陽宮中四尺鏡照人五臟何炯炯
粟田滄海千餘年百
鍊依然化爲鑛君從何處得此物
鑄就雙瞳敵秋月向來
照心今照形不事瀾翻三寸舌
遠衝風雪肯我過看來猶
未深知我我方簑笠立釣磯
萬事浮雲都勘破噫嘻吁只
今神目鬼眼紛道途暗中許負應
盧胡試問何如林家老

文山全集 卷之一
碧鑑不知天津橋上復有龍鍾無

送吉州陳守解任

美人策良馬弭節螺江湄
歲年忽晚桃李已成蹊
遙遙一水間復復東與西
晴川夾脩楊行舟何能維
朱鳳翔海山層漢揚音徽
高岡有梧桐駕言覽朝暉
贈君以白雲白雲不我持
贈君以明月明月不我携
白雲與明月遠道相追隨

贈蜀醫鍾正甫

炎皇覽衆草異種多西州
爲君望岷岷使我雙泪流向來
秦越人朝洛夕邯鄲子持鵲
經來自西亦徂南江南有羈

羽豈不懷故營何當同皇風六氣和且平

改題萬安縣疑祥觀

古道松花空翠香風前鬢影照滄浪飛泉半壁朝雲濕啼

鳥滿山春日長須信神仙元有國不知蠻觸是何鄉道人

橫笛招歸鶴坐到斜暉上壁璫

相如遊獵賦華穰壁璫注壁璫以玉為椽頭

西昌倪氏有山谷書杜陵山水圖障歌作江山堂

堂廢其後人以黃書求題跋感慨一絕

杜二已無黃九去長歌大字落江山百年風物今何似春

水晚烟飛白鷗

挽巽齋先生歐陽大著

徘徊河西上月落衆星稀哲人萎中道雨絕將安之昔者
麗鴻藻玉振含清暉名理軼晉魏雅言襲軻思連駕覲馳
道並坐侍端闈及門懷燕婉升堂接透迤方期黃鵠翔忽
作朝露晞黔婁不蓋體延陵有遺悲層阿翳寒樹平楚曠
希微帷幌衣廣柳縞冠涕如縻水從章江去雲送楚山飛
已矣如有聞斯文不在茲

送劉其發入蜀

秋風淒已寒蜀道阻且長虎狼伏原野欲濟川無梁官從
何處來云我之西方蕭蕭驪驪鳴熠熠湛盧光昔時榮華
地今爲爭戰場將軍揚天文壯士發戎行江南有羈鳥悠

悠懷故鄉駕言與子遊雲天何茫茫

周蒼厓入吾山作圖詩贈之

三生石上結因緣袍笏橫斜學米顛漁父幾忘山下路仙人時訪嶺頭船烏猿白鶴無根樹淡月踈星一線天爲我醉呼添濛瀼倦來平卧看雲烟

題羅次說竹巖摘藁

游子西南來出門道何悠文章會有用意氣輕身謀紛紛食梁肉藜藿當其憂君看百川水何處不東流

挽劉知縣

名元高字仲山實齋之子

王海淵源懿金閨步武高功名千載意翰墨一時蒙天馬

含風骨秋鷹折羽毛相逢俱白髮流涕濕征袍

古樂府

壽人母

珊瑚香點胭脂雪芙蓉帳壓春雲熱明朝早弄燈前月
灑絕九霞碧藕折璇杓高聳婺女明金波漾曉輝郎星赤瓊
曲裏長眉青頭上更有瑤池君六九五十四東風西蟠桃
花花未紅鳴鸞鼓玉聲玲瓏綠毛蒙茸蓮水龜嫵爛五色
人間稀春多瑞葉不敢飛冰壺光滿魚龍轉笑中低舞王
釵燕明年今日長秋殿安與入侍金桃宴

齊天樂

慶湖北漕知
鄂州李樓峰

南樓月轉銀河曙玉簫又吹梅早鸚鵡沙晴蒲萄水暖一

縷燕香清裊瑤池春透想桃露霏霞菊波沁曉袍錦風流
御仙花帶瑞虹繞玉關人正未老喚磯頭黃鶴岸巾談笑
劍拂淮清槊橫楚黛雨洗一川烟草印黃似斗看半硯薔
薇滿鞍楊柳沙路歸來金貂蟬翼小

齊天樂

甲戌湘憲種
德堂燈屏

夜來早得東風信瀟湘一川新綠柳色含晴梅心沁暖春
淺千花如束銀蟬乍浴正沙鴈將還海鰲初轟雲擁旌旗
笑聲人在畫闌曲星虹瑤樹縹緲珮環鳴碧落瑞籠華屋
露耿銅虬冰翻鐵馬簾幙光搖金粟遲遲倚竹更爲把瑤
樽滿斟醽醁回首宮蓮夜深歸院燭